

## **Mieriedimmie saemien åålmegen øørnedimmien bijre åarjelsaemien gieledajvesne**

Nænnoestamme Kultuvre-jih gærhkoedepartementeste goeven 11. b. 2008, reaktavåaroemisne gånkan resolusjovnesne suehpeden 15. b. 2008. m. laake ruffien 7. b. nr. 31 Dan nøørjen gærhkoen bijre (gærhkoelaake) 2. § gåalmede lihtse.

### **§ 1 Åssjaldahke**

Mieriedimmien åssjaldahke lea saemien åålmegem åarjelsaemien gieledajvesne tseegkedh, edtja åarjelsaemien gærhkoejilemem evtiedidh.

### **§ 2 Åålmegeraerie**

Akte åålmegeraerie saemien åålmegasse veeljesåvva åarjelsaemien gieledajvesne.

### **§ 3 Gyrhkeles gagkestimmie**

Dihthe sjjere gyrhkeles gagkestimmie åarjelsaemijste, åarjelsaemien gieledajven sisnie jih ålkolen, dam dihte hearra åarjelsaemide dorje, mij dajven hearradienesjem stuvrie, jih dom daerpies iktedimmiem däärrehte åålmegeraerien darjominie, dijakoninie, jih saht mej jeatjah staateles barkoejgumie mej aamhtesh gårredamme åarjelsaemien gærhkoejiliemasse.

### **§ 4 Vaaksjome**

Nidarosen biskohpe dam åarjelsaemien gyrhkeles darjomem, åålmegeraeriem, hearram jih doh jeatjah berkijh vååksje, aktivyøki dej moenemigumie vadtme biskohpi dienesjeøørnegisnie. Desnie gusnie dihte åarjelsaemien gieledajve lea aktene jeatjah bispedømmesne, edtja vaaksjomem darjodh ektine biskohpinie dennie sjyøhtehke bispedømmesne.

### **§ 5 Lihtsegelåhkoe**

Gærhkoeraerie ektine åålmegeraerine lihtsegelæstoem åålmegasse tjaala

### **§ 6 Lihtsegelohke jih tjaatsestimmiereaktoe**

Lihtsege Dennie nøørjen gærhkosne aaj lihtsege sjædta saemien åålmegisnie åarjelsaemien gieledajvesne jis satne tjaalasovveme sjædta dennie åarjelsaemien lihtsegelåhkosne jih:

- åtna jijtjemse goh saemie jallh lea pruvreme, lea ektine jallh orre ektine aktine saemine jih åarjelsaemien gieledajvesne orre jallh
- åtna jijtjemse goh åarjelsaemie jallh lea pruvreme, lea ektine jallh orre ektine åarjelsaemine jih åarjelsaemien gieledajven ålkoelisnie orre jallh
- eejhtegh åtna mah leah lihtsegh åarjelsaemien åålmegisnie jallh
- jeatjah ektiedimmiem åtna åarjelsaemien gærhkoejiliemasse, dejstie lihkebe moenemijstie mah åålmegeraerie moeneme.

Nidarosen bispedømmeraerie muana jis jueriedisnie, mejtie akte almetje maahta lihtseginie årroddh.

Lihtsegh mah gyrhkeles tjaatsestimmiereaktoem utnieh, maehtieh åålmegeraerien veeljemisnie tjaatsestidh jih åålmegetjåanghkosne.

Lihtsegelohke åålmegisnie ij naan gaertjiedimmieh vedtieh dejnie reaktine jih diædtine mah doh lihtsegh utnieh dennie såaknesne gusnie årroeminie.

## **§ 7 Veeljeme jīh gieħ edtjieh āālmegeraeresne meatan ārrodh**

Saemien āālmegeraeresne āarjelsaemien gieledajvesne lea hearra āarjelsaemide jīh 4 jeatjah lihtsegh. āālmegeraerien jienebelāhkoe edtja saemieh ārrodh, mah maehtieh saemielāhkose tjaalasovvedh, m. laake, ruffien 12. b. 1987 nr. 56, Saemiedigkien jīh jeatjah saemien reaktatsieħkiej bījre (saemielaake) § 2-6.

Doh moenemh gærhkoelaakesne §§ 6 jīh 7, jīh doh njoelkedassh guktie edtja āālmegeraeriem veeljedh, Gærhkoetjāanghkoske nænnoestamme, faamoem utnieh dan gāhkese dah sjehtieh. Tjaatsestimmiem vadta pāastine, guktie doh njoelkedassh leah tsaatsestimmievedtemen bījre gosse bispedømmeraeriem veeljedh. Veeljeme āālmegeraereste lea raaktan øørnegemietie guktie āālmegeraerie nænnoestamme

## **§ 8 āālmegeraerien barkoeh**

Gærhkoelaaken §§ 9, 10 jīh 11 āālmegeraerien jīh āālmegettjāanghkoen bījre, jīh § 14 gyħkeles ektieraerien bījre faamoem utnieh dan gāhkese dah sjehtieh.

Doh moenemh gyħkesjimmiegærjine jīh doh njoelkedassh guktie edtja gærhkoem nuhtjedh, faamoem utnieh dan gāhkese dah sjehtieh.

āālmegeraerie nænnoeste jīh lea āālmegen āvteste gosse laaken mietie, mieriedimmien mietie jallh moenemisnie ij tjāadtjoeh dīhte faamoe lea naan jeatjah suarkan vadteme.

āālmegeraerie raeriestimmiem bispedømmeraaran buakta jis edtja barkoeh tseegkedh jallh barkoeh orrijidh dan āarjelsaemien barkoesuerkien sisnjelen. Nidarosen bispedømmeraerie hearram āarjelsaemide seehtie jīh ektine biskohpinie dam barkoevedtijediedtem ātna, dej siejhme njoelkedassi mietie. Biskohpe lea hearradienesjen āvtehke, m. biskohpen dīenesjeøørnege. Nidarosen bispedømmeraerie seehtie jīh barkoevedtijediedtem ātna dijakonese, biejjieladtje āvteħkasse, jīh saahrt mejtje jeatjah barkojde mah darjomh utnieh āarjelsaemien gærhkoiejeliemasse. Maahta barkoevedtijefaamoem dejtje āālmegeraaran tjeavadidh, bielemen seehteme- jīh jāāħkesjimmiefaamoe.

āālmegeraerie lahtestimmiem vadta gosse edtja staateles dīenesjealmetjh seehtedh, ektiedamme gyħkeles gagkestæmman āarjelsaemijste, ohtsemh buakta beetnehvierhtiej bījre rāajvarimmide jīh giehteldimmide āarjelsaemien gærhkoiejielem sisnjelen, jīh lahtestimmiem vadta gosse departemente jallh jeatjah gyħkeles āejvieladtje dan mietie gihtjieh, jallh gosse āālmegeraerie jītse āssjaldahkeste sējhta man bījre lahtestidh.

Bispedømmeraerie budsjedte- jīh økonomijediedtem giehteldæmman ātna. Dom faamoem maahta āālmegeraaran tjeavadidh. āālmegeraerie budsjedtem raereste raerien giehteldæmman.

## **§ 9 Doh vuekieħ dan āālmegeraerien darjomasse**

Gærhkoelaaken §§ 8 jīh 13 jīh doh moenemh vuekieħ bījre āālmegeraerien darjomasse vadteme Gærhkoeraereste, faamoem utnieh dan gāhkese dah sjehtieh.

Dīhte sjīere veeljeme āarjelsaemien lihtsege Nidarosen bispedømmeraeresne jīh saemien gærhkoeraeresne, tjāanghkoeh- jīh hāālemereaktoem ātna raeresne.

āālmegeraerie maahta vueliemoonehtsh tseegkedh geografeles gaertjiedamme dajvide dan āarjelsaemien dajven sisnjelen.

Åålmeegeraerie edtja aktem biejjieladtje åvtehkem darjomasse utnedh

Tjaalege tjåanghkoegærjeste seedtesåvva Saemien gærhkoeraaran jñh bispedømmeraeride Nidarosesne, Hamarisnie jñh Åarjel-Hålogalaantesne.

#### **§ 10 Åålmegetjåanghko**

Gærhkoelaaken §§10 jñh 11 jñh doh njoelkedassh åålmegetjåanghkoen darjomasse Gærhkoetjåanghkoeste vadteme, faamoem utnieh dan gåhkese dah sjiehtieh. Maahta åålmegetjåanghkosne påastine tjaatsestidh dejnie aamhtesinie gusnie åålmeegeraerie dam muana.

#### **§ 11 Sertiestimmiemoenemh**

Nidarosen bispedømmeraerie dam faamoem jñh dam diëdtem gorrede mah leah åålmeegeraerien, goske dihte voestes raerie lea veeljesovveme

#### **§ 12 Faamoem åådtje**

Mieriedimmie faamoem åådtje tsiengelen 1. b. 2009.